

INUIT ATAQATIGIIT INATSISARTUNI



03-03-2023

UPA2023/65

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kommuunit piffinni pinaveersaartitsinermut immikkoortumi anguniagaannut ikorfartuisussanik, Peqqissaanermik Ilinniarfiup ataani pinaveersaartitsinermik siunnersortitut ilinniartitaanermik pilersitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Agathe Fontain, Inuit Ataqatigiit)

Tungavilersuut:

Pinaveersaartitsinermi katsorsaanermiit pitsaaneruvoq – akikinnerullunilu.

Pinaveersaartitsinermi ullumikkut koruuni sipaagarput aqagu 5 koruunimik naleqalersimassaaq! Ajornartorsiutit kinguarsarlugit alliartuinnartarput. Ajornartorsiutit annertuppata, akissajaatit inuttut, inooqatigiinnertut aningaasatigullu annertunerulissapput. Meeqqat atuarfianni inuttut ajornartorsiutaasut akiorniakkavut meeqqerivinni meeraaqqerivinnilu takuneqarsinnaalereertarput. Nalunngilarput meeraanerup toqqissisimasup qanoq pingaaruteqartiginera. Nalunngilarput suna pisariaqartinneqartoq. Pissutsit qanoq ittuusut nalunngilagut. Pinaveersaartitsinerup qanoq pingaaruteqartiginera nalunngilarput.

Peqqinnissaqarfimmut aningaartuutitta nunatta karsiata 20 %-iisa missaaniipput. Tamanna imminermi takussutissaavoq innuttaasuusugut qanoq peqqinnissaqarfipput pisariaqartitsigineripput.

Siunnersuutima siunertaraa qanoq iliorluta peqqinnissaqarfimmut aningaasartuutigut nammineq ileqqutsinnik pilersitatsinnik sunniuteqartarnerat pitsaanerumik iliuseqarfigisinnanissaa.

INUIT ATAQATIGIIT INATSISARTUNI



Siunnersuutimalu kingunerissavaa pitsaaliuisunik pikkorissunik ilinniarsimanerlu tunngavigalugu sulisussanik kommuunit sulisoqalernerat.

Suliniutit “Inuuneritta”-kkut, KRAM-kut qangalili ingerlanneqarput, suliniutilli taakkua ilinniarsimassutsimik pilersitsinngillat, sunali naalackersuisunik tunngaviuneranik tikkuussiillutik. Taakkuli tunngavigalugit sulisussanik ilinniarsimasunik amigaateqarpugut. Kommuunini pinaveersaartitsinermik sulisut, ullumikkut ilinniarsimassutimikkut assigiinnegeqaat. Ilinniarsimassutsit assigiinngippaallaarnerisa kinguneranik suliassat assigiinngippallaamik suliarinissaannik kinguneqartarmat pisariaqarsoraara, pinaveersaartitsinermi, ilisimatuussutsikkut periutsit sunniuteqarnerpaat ilisimasariaqartut. Ilisimalikkallu qanoq atorlugit sulisoqarsinnaaneramik ilinniartitsineq pisariaqartoq.

Takorloorpara ilinniartitaaneq, paasissutissat nalunaarusiaasartut ersersitaat, qanoq ililluni sunniutilinnik pinaveersaartitsissutaasinnaaneranik ilinniarneq imaqaassasoq ilinniakkamilu pissarsiasimasat ineriartorteqissinnaanerat ilinniarfeqalernikkut anguneqarluni.

Isumaqarpunga Nunatsinni ajornartorsiutit imaannaangitsut nalaattakkagut, nalitussusiat eqqarsaatigiinnarluguluunniit pinaveersaartitsinermut siunnersortitut ilinniarsinnaanermik periarfissaqartitsinnginnerput tupigusunnangitsuunngitsaq.

Naalackersuisut kommuuninut apersueqqaarniarlutik Inatsisartut suleriusaat naapertorlugu \$37-mi apeqquteqaatinnut akipput¹. Isumaqarpunga ilinniarluarsimasunik soqutigisaqaraanni, apersueqqaanngikkaluarluni periarfissamik pilersitsineq kinguarsarneqarani ingerlanneqassasoq. Soorlumi kommuunit ilinniarsimasunik ilinniartitsisoqarusunnarsut apersoneqqaqqaassagaluarpata isumaqarnaviannngitsaq, takorloorsinnaagatsigu akuersissasut.

Tammaatumik siunnersuutip ilalernerqarnissaa pissusissamisoortutut isigaara.

¹ ¹ [005_2023_forebyggelseskonsulent_AGFONT_svar.pdf \(ina.gl\)](#)

INUIT ATAQATIGIIT INATSISARTUNI



Pisortanut aningaasatigut allaffissornikkullu kingunerisassai:

2006-mi ilinniartitaaneq pilersinneqarmat 2.823.000 koruuninik akeqarpoq. Siunnersuutip uuma piviusunngortinneqarnerani aningaasartuutit taakku maanna aningaasartuutit qaffasissusiannut nalimmassarneqarnissaat pisariaqarpoq.²

Namminersortunut aningaasaatigut allaffissornikkullu kingunerisassai:

Siunnersuut namminersorlutik inuussutissarsiortunut kinguneqaateqassangatinneqanngilaq.

Innuttaasunut aningaasatigut allaffissornikkullu kingunerisassai:

Soqanngilaq.

² [005_2023_forebyggelseskonsulent_AGFONT_akissut.pdf \(ina.gl\)](#)